

UGOVOR O STUDIRANJU – integrirani studij IMPD

U skladu sa članom 107. Zakona o visokom obrazovanju („Službene novine Kantona Sarajevo“, broj: 36/22), članom 174. Statuta Univerziteta u Sarajevu, Pravilima studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, Odlukom Senata Univerziteta u Sarajevo broj: 01-11-45/24 od 26. 06. 2024. godine o bitnim elementima ugovora o studiranju i Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu („Službene novine Kantona Sarajevo“, br.: 19/09, 31/12, 36/12, 4/15, 15/15, 16/18, 21/18 i 25/21), ugovorne strane:

1. UNIVERZITET U SARAJEVU-Medicinski fakultet (u daljnjem tekstu: Fakultet),

sa sjedištem u Čekaluša 90, 71 000 Sarajevo, zastupan od dekana, prof. dr. Amina Valjevac, i

2. STUDENT/ICA _____ (ime i prezime) (u daljnjem tekstu: student),

rođen/a _____ (datum rođenja) godine u _____ (mjesto rođenja),

JMBG*(ili neki drugi identifikator) _____, upisan/a akademske 2025/2026. godine na

Integrirani studij International Medical Degree Program, u statusu redovnog studenta koji sam snosi troškove studija – samofinansirajući student, zaključuju:

UGOVOR O STUDIRANJU

za Integrirani studijski program International Medical Degree Program

Predmet ugovora

Član 1.

Predmet ovog ugovora je reguliranje međusobnih prava i obaveza između Fakulteta i studenta.

Prava i obaveze Fakulteta

Član 2.

Fakultet se obavezuje da studentu obezbijedi uvjete za prisustvo i praćenje nastave, polaganje ispita u propisanim ispitnim rokovima, stjecanje diplome i odgovarajućeg stručnog zvanja po okončanju studija u skladu sa studijskim programom, kao i druga prava utvrđena Zakonom o visokom obrazovanju Kantona Sarajevo, Statutom Univerziteta u Sarajevu, Pravilima studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i drugim važećim aktima Kantona Sarajevo, Univerziteta u Sarajevu i Fakulteta.

Član 3.

Fakultet ima pravo da od studenta naplati školarinu, upisninu kao i druge naknade koje uključuju naknadu za razvoj informacionog sistema i informacione infrastrukture na Univerzitetu u Sarajevu i druge usluge utvrđene aktom Osnivača kojim se uređuje visina participacije.

UGOVOR O STUDIRANJU – integrirani studij IMDP

Prava i obaveze studenta

Član 4.

U skladu sa Zakonom o visokom obrazovanju Kantona Sarajevo, Statutom Univerziteta u Sarajevu i Pravilima studiranja, student ima sljedeća prava:

- a) prisustvovanje svim oblicima nastave,
- b) kvalitetan nastavni proces u skladu sa usvojenim planom i programom,
- c) blagovremeno i tačno informiranje o svim pitanjima koja se odnose na studij,
- d) da na transparentan način bude upoznat o rasporedu nastave i ispitnim terminima na nivou studijske godine i to u prve dvije sedmice studijske godine,
- e) ravnopravnost u pogledu uvjeta studija i tretmana na visokoškolskoj ustanovi kao i na povlastice koje nosi status studenta,
- f) različitost i zaštitu od diskriminacije,
- g) pravo na zdravstvenu zaštitu u skladu sa Zakonom,
- h) korištenje biblioteke i drugih usluga koje se pružaju studentima na visokoškolskoj ustanovi, a u skladu sa općim aktima fakulteta/Univerziteta,
- i) konsultacije i pomoć akademskog osoblja u savladavanju nastavnog sadržaja, a posebno pri izradi završnog rada,
- j) slobodu mišljenja i iznošenja ličnih stavova koji su u vezi sa nastavnim sadržajem u toku realiziranja nastavnog procesa,
- k) evaluaciju rada akademskog osoblja,
- l) priznavanje i prijenos bodova između visokoškolskih ustanova s ciljem osiguranja mobilnosti,
- m) učešće u postupku izbora za studentsko predstavničko tijelo i druga tijela ustanovljena Statutom Univerziteta u Sarajevu,
- n) sudjelovanje u radu studentskih organizacija,
- o) sudjelovanje u radu i odlučivanju tijela fakulteta u skladu sa Statutom,
- p) završiti studijski program po kojem je upisan na fakultet Univerziteta u Sarajevu u roku trajanja jednog ciklusa studija plus dvije studijske godine,
- q) zaštitu u slučaju povrede nekog od njegovih prava na način utvrđen Zakonom i Statutom,
- r) druga prava predviđena Statutom i drugim općim aktima Univerziteta ili fakulteta.

Član 5.

- (1) Student ima pravo završiti studijski program na koji je upisan u roku ne dužem od njegovog nominalnog trajanja produženog za dvije akademske godine.
- (2) Fakultet zadržava pravo izmjena i dopuna nastavnog plana i programa u skladu sa Zakonom o visokom obrazovanju Kantona Sarajevo i Statutom Univerziteta u Sarajevu i ne može se primjenjivati retroaktivno, u smislu utvrđivanja dodatnih obaveza studentu i to za studijsku godinu koju je student uspješno okončao te za tekuću studijsku godinu.
- (3) O izmjenama i dopunama nastavnog plana i programa Fakultet je dužan blagovremeno informirati studenta.
- (4) Nastavni plan i program u formi tabele ili ECTS kataloga/informacijskog kataloga je sastavni dio ugovora o studiranju.

Član 6.

Student koji studira na Univerzitetu u Sarajevu – Medicinskom fakultetu ima sljedeće obaveze:

- a) pridržavati se Pravila studiranja koja je propisao Univerzitet u Sarajevu,
- b) ispunjavati nastavne i druge obaveze studenta,
- c) iskazivati poštovanje prema pravima akademskog i neakademskog osoblja, kao i pravima drugih studenata na Fakultetu,
- d) uredno izvršavati svoje studijske obaveze i učestvovati u akademskim aktivnostima,
- e) poštivati kućni red, etički kodeks i kodeks ponašanja i oblačenja,

UGOVOR O STUDIRANJU – integrirani studij IMDP

- f) postupati savjesno sa imovinom Fakulteta, a u slučaju nesavjesnog postupanja i pričinjene materijalne štete dužan je istu nadoknaditi u skladu sa odlukom vijeća Fakulteta,
- g) druge obaveze utvrđene Zakonom, Statutom ili drugim aktom Univerziteta u Sarajevu,.

Finansiranje studija

Član 7.

- (1) Jedinične cijene usluga, upisnina i školarina utvrđene su odlukama Upravnog odbora Univerziteta u Sarajevu i Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo", broj: 19/09, 31/12, 36/12, 4/15, 15/15, 16/18, 21/18 i 25/21).
- (2) Iznos upisnine, po osnovu Odluke iz prethodnog stava, uplatit će se prilikom upisa u odgovarajuću godinu studija, ukoliko važećim aktima nije utvrđeno drugačije.

Školarina u iznosu **12.000,00 KM** redovnog samofinansirajućeg studija (za integrisani studij International Medical Degree Program), po osnovu Odluke o visini Participacije/Odluke Upravnog odbora Univerziteta u Sarajevu, uplatit će se:

- a) **jednokratno**, u punom iznosu prilikom upisa u odgovarajuću godinu studija,
- b) **u dvije rate**:
 - Prva rata u iznosu **6.000,00 KM** uplaćuje se:
 - a) prilikom upisa prve godine studija
 - b) najkasnije 5 dana prije početka akademske godine.
 - Druga rata u iznosu **6.000,00 KM** uplaćuje se najkasnije 5 dana prije početka nastave u ljetnom semestru (u skladu sa Akademskim kalendarom)
- (3) Uplata školarine i upisnine vrši se na jedinstveni račun trezora, u skladu sa Instrukcijom o razvrstavanju i načinu uplate javnih vlastitih prihoda Univerziteta/fakulteta, broj: 02-1-2/24 od 09. 01. 2024. godine, kojom je utvrđeno razvrstavanje i način uplate prihoda koje fakulteti Univerziteta u Sarajevu ostvaruju obavljanjem svoje osnovne djelatnosti i koji predstavljaju javne prihode Budžeta Kantona Sarajevo, javne vlastite prihode fakulteta Univerziteta, tekuće transfere i donacije, kapitalne transfere i ostale vrsta prihoda Univerziteta/fakulteta a vezi sa Pravilnikom o javnim vlastitim prihodima Univerziteta u Sarajevu, broj: 02-45-2/23 od 11. 12. 2023. godine.

Član 8.

Troškovi participacije cijena usluga Fakulteta koji nisu obuhvaćeni članom 7. ovog ugovora padaju na teret studenta, shodno Odluci Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu.

Član 9.

Student ne može upisati narednu studijsku godinu, polagati ispite iz bilo kojeg predmeta u semestru, ukoliko nije uplaćena školarina na način predviđen članom 7. ovog ugovora.

Član 10.

- (1) Ukoliko student ne izvrši uplatu školarine u rokovima utvrđenim Odlukom Senata, Fakultet će ga pisanim putem upozoriti na njegovu obavezu plaćanja.
- (2) Ukoliko student i nakon upozorenja ne uplati zaostalu školarinu, Fakultet može raskinuti ovaj ugovor te pokrenuti postupak s ciljem naplate dugovanja.

UGOVOR O STUDIRANJU – integrirani studij IMDP

Član 11.

- (1) Student koji je uplatio školarinu, a koji odluči da se ispiše sa studijskog programa prije početka nastave u akademskoj godini za koju je školarina uplaćena, ima pravo na povrat uplaćenih sredstava i može podnijeti zahtjev za povrat uplaćenog iznosa na ime školarine. Zahtjev za povrat uplaćenih sredstava na ime školarine podnosi se najkasnije 15 dana prije početka akademske godine.
- (2) Ukoliko student nakon početka akademske godine napusti studij, Fakultet zadržava iznos do tada uplaćenih sredstava na ime školarine, uz obavezu studenta kojem je uplata školarine odobrena u ratama da izmiri preostale troškove školarine za tekuću godinu studija.

Važenje ugovora

Član 12.

Ovaj ugovor stupa na snagu danom potpisivanja i važi do završetka ciklusa studija.

Ostale odredbe

Član 13.

Na odnose koji nisu regulirani ovim ugovorom primijeniti će se odredbe Zakona o visokom obrazovanju Kantona Sarajevo, Statuta Univerziteta u Sarajevu, Pravila studiranja i drugih važećih akata.

Član 14.

Eventualne izmjene ovog ugovora će se definirati aneksom ugovora.

Član 15.

- (1) Ugovorne strane saglasne su da eventualne sporove prvenstveno rješavaju mirnim putem.
- (2) U slučaju da nastali spor stranke ne riješe sporazumno, nadležan je Općinski sud u Sarajevu.

Član 16.

Ovaj ugovor se sačinjava u dva istovjetna primjerka, od kojih svaka ugovorna strana zadržava po jedan ugovor.

STUDENT/ICA

Ime i prezime studenta, JMBG*

Sarajevo, datum:

MEDICINSKI FAKULTET

DEKAN

Prof. dr. Amina Valjevac